



Mbela hada Sokli Kaawisa?



Besngu gooto jaajdo ina joginoo dāmaawu hebde bural e nguurndam mum'en. O subii dānnanaade leydi ngonndi. Kono dāngal ngal noon weebaano; ko maa be tacca jeereende yaajnde be taccirande koyde. Gooroode ina ngonnoo toon, kay jahe, kay nguleeki mbonki. So tawii won e mabbe jawbe walla leefdube keddi caggal, mbaɗ-boneeji en njanat e mum'en.

Tan be ngayni naamdu be njoobinoo ndu, kono hooreejo mabbe o jaagii Geno yoo wad kaawisa. Janngo e mum, nde be pini subaka, be tawi tayatine tokoose bayde no mburu nih ina carii ban yoo ban. Ko dum huunde welnde, hono no mbiskiit e njuumri nih. Ina heewno haa gooto e mabbe fof waawa naamde haa haara! Be booyii taar-tarrnude e jeereende he hade mabbe taccude nde, tee palawma fof mburu o ummoroo dum'en dow asamaan. Jettoode ngoodanii Geno, be ndadnanooma!

Ngol ciimtol ina haawnii, kono ko huunde wadnoonde. Ko gootol e ciimti ciimtaadi di e Deftere Seniinde he, woni deftere Tawraat, Zabuur, kay Linjiila. Deftere Seniinde nde ina wadi teemedde teemedde ciimti goonga e goonga, keewdi e majji tuugnii ko e kaawisaaji di Geno wadi e nder nguurndam heewbe.

Ko deftere faayodinnde e oo jamaanu men hannde, nde yimbe heewbe cokli kaawisaaji e nguurndam mum'en.

Kaawisaaji Jamaanu Hannde

E dii duubi battandiidi, en nji'i hareeji lenam lepamaagu, jiibru, baasal, ronkere liggeewi, jabbuuli daabooji, e maayde. Mi yenanaaka aan no ngoorudaa doo jooni. Ina waawi tawa ko a tumaranke, hada woddi galle maa. Ina waawi tawa hada wondi e jawdo gondo hakkunde nguurndam e maayde. Ina waawi nih tawa ko a jiilotoodo liggeewi.

Kala heen ngonka maada, Geno ina wonda maa tee homo yidi wadande ma kaawisa hannde hono no o wadiratnoo e jamanuuji booydi. Kala nde bernde maa wondi e mette, hada waawi hebde semmbe so a janngii Deftere Seniinde nde, deftere kaawisaaji.

Konnguli Geno fayde e oo Jamaanu Men

Won yimbe ina kula janngude Deftere Seniinde nde sabu be nanii ko nde wostaande. Ina waawi tawa jey sabaabu o ko nguurndam heewbe wiyooɓe ko dooftiibe Deftere Seniinde nde. Heen sahaaji heden njiya Masiyan'koobe yaroobe sanngara, weddotoobe ceede, boornotoobe comci di timmaani, jaamoobe

bandi-tuge, kay balwube berde e yimbe wofbe.

Geno ko cemmbolindo baawdo reende Konngol Mum.

Kono noon, dee doo gede kaantoridde fof ina kadaa e Deftere Seniinde he. So Masiyan'koobe dooftaaki ko Geno yamiri ko, duum takataa Konngol Makko duumingol ngol waklaade. Annabi Esaya winndiino, “Hudo yoorat, piindi daasfat, kono konngol Geno men laatoto haa cay” (Esaya 40:8). Mbela hodon cikki innam aadee en ina cemmbolini haa ina mbaawa wostaade konngol Geno, walla noon tawa ko be kolliraani no ngol foti wayde e nder nguurndam mabbe?

Deftere Seniinde nde ina siimta no annabi Daawuuda (burdo anndireede Dawud) e yimbe mum yettirnoo wakannde aadi nde, wakannde kanje wadnoonde Jamirooje Sappo nde. Jamirooje Sappo de ko sariyaaji Geno tottiri ngam anndinde en no potden wuurdude, tee di mbinndanoo ko e alluujje

kaaye jaajde badaade e nder wakannde kanje nde. E nder yahdu mabbe, gorko gooto bellii junngo mum memi wakannde nde—doon e doon o yani o hawri e lajal!

So tawii Geno yamiraani juude mawnakiniide yo mem wakannde seniinde mooftunoonde Konngol Makko nde, hol no o yamirirta yimbe bonbe yo badtoro Konngol Makko binndangol ngol ko tayata e ko momtata? Geno ko cemmbolindo baawdo reende Konngol Mum.

E goonga e goonga, Deftere Seniinde nde woni deftere burnde yuuyneede e aduna he. Ko booyaani ko, aynaabe Beduin tato to Palestiin—Muhammad Edh-Dhib, Jum'a Muhammad, kay Khalil Musa—pergitii njani e Guri Maayo Maayngo di. Dum ina jeyaa e jiitande paayodinnde ballooje en hannde haa mbaawen yuuynitaade ko winndaa e Deftere Seniinde he kay ko winndaa e diin guri cuudinoodi jiitaadi jaaratenoodi e duubi 2.000. Nanndugol ngol ina haawnii, ina holla entanlonnginooje Geno mbaawataa wosteede walla wakleede. So tawii hada sokli kaawisa, hada waawi yenaneede Deftere Seniinde nde ko nokku goonga to potdaa yeewde! Doo mbaawdaa tawde ciimti kaawniidi ko fayti e annabaabe hono Nuuhu, Ibraahiima, Yuusuf,

Yunuus, Dapel, Daawuuda, kay Sileymaani. Hada waawi nande huunde e ciimti he e nokkuuji godfi, kono Deftere Seniinde nde siimtat heen ciimtol fof haa timma!

Ar Yiitu Kaawisa Maa

Kala cadeele de ngondudaa, Deftere Seniinde nde ina jogani maa ciimtol kaawisa:

- Mbela ko a jawdo walla hada wondi e jawdo? Janngu ko fayti e cellingol Naamaan, mawdo konu leydi Siri gondunoodo e jaw baras o.
- Mbela hada sippiree ngam jamminde besngu maa? Janngu ko fayti e debbo canjoraado o e binngel mum gorel to leydi Liban, o dadiino e fatara bondo tawi ko nehal seeda kay womre wootere conndi o joginoo.
- Mbela maayde ina denyini nguurndam maada? Janngu ko fayti e Ebed-Melek, maccudo gooto to laamorgo Ecopi, dadndanoodo e maayde e tuma hare sabaabu nde fawde hoolaare makko e Geno.
- Mbela hada sikki ko a tumaranke? Janngu ko fayti e Hagaar Ecopinaajo o, jiido kaawisaaji Geno nde o riiwaa nde.

- Mbela hada muti e nder caddeele aduna? Janngu ko fayti e Yeesu Almasiihu nde o forti junngo makko o furii henndu mooltanaandu ndu haa o dadndi almuɓbe makko be e joolagol laana ngol.

Jaabowuuji Kaawniidi

So heden njannga Deftere Seniinde nde, en keewat hoolaare ngam wadde duwaawu gondudo e damaawu moyyo. Yeesu Almasiihu wi'i, "Kala ko jaagori-don tornde, tawi hodon ngoonɗini, on kebat" (Macca 21: 22). So en njanngii ciimti wobbe hebbe kaawisaaji to Joomiraado, berde men keewat damaawu haa mbaawen huccitinde jaagule men dow.

Mbela hada sokli kaawisa? Heɓ semmbe e kaawisaaji gondi e Deftere Seniinde he tee jaago Geno rokku-maa mo maada. E goonga, maa o nanan ma jaagungal maa hannde!

So tawii hada yidi beydude ganndal ko fayti e kaawisaaji e nder Deftere Seniinde he, jukkondir e amen e ko winndaa ko caggal oodoo kaayit.

Janɗe Wonnde



Yettu natal jelde QR ngal ngam
beydude ganndal.

